

晉

書

六

志第十三

晉書二十三

御撰

樂下

永嘉之亂海內分崩伶官樂器皆沒於劉石江左初立宗廟尚書且太常祭祀所用樂名太常賀循荅云魏氏增損漢樂以為代之禮未審大晉樂名所以為異遭離喪亂舊典不存然此諸樂皆和之以鍾律文之以五聲耳詠之於歌辭陳之於舞列宮懸在庭琴瑟在堂八音迭奏雅樂並作登歌下管各有常詠周人之舊也自漢氏以來依倣此禮自造新詩而已舊京荒廢今既散亡音韻曲折又無識者則於今難以意言于時以无雅樂器及伶人省太樂并鼓吹令是後頗得登歌食舉之樂猶有未備太寧末明帝又訪阮孚等增益之咸和中成帝乃復置太樂官鳩集遺逸而尚未有金石也庾亮為荊州去謝尚脩復雅樂未具而亮薨庾翼植溫專事軍旅樂器在庫遂至朽壞焉及慕容儁平冉閔兵戈之際而鄴下樂人亦頗有來者永和十年謝尚鎮壽陽於是採拾樂人以備太樂并制石磬石雅樂始頗具而王猛平鄴慕容氏所得樂聲

又入關右太元中破符堅又獲其樂工楊蜀等閑習舊樂於是四相金石始備焉乃使曹毗王珣等增造宗廟歌詩然郊祀遂不設樂今列其詞於後云

歌宣帝

曹毗

於赫高祖 德協靈符 應運撥亂 啟釐整天 衢勲格宇宙 化動八區 肅以典刑 陶以玄珠 神石吐瑞 靈芝自敷 肇基天命 道均唐虞

歌景帝

曹毗

景皇承運 纂隆洪緒 皇羅重抗 天暉再舉 蠢矣二寇 擾我揚楚 乃整元戎 以膏齊斧 豐豐補筭 赫赫王旅 鯨鯢既平 功冠帝宇

歌文帝

太祖齊聖 王猷誕融 仁教四塞 天基累崇 皇室多難 嚴清紫宮 威厲秋霜 惠過春風 平蜀夷楚 以文以戎 奄有參墟 聲流无窮

歌武帝

曹毗

於穆武皇

允龍欽明 應期登禪 龍飛紫庭 百揆時序 聽斷以清

殊域旣賓僞吳亦平晨流甘露宵映朗星野有擊壤路垂頌聲

歌元帝

曹毗

運屯百六天羅解貫元皇勃興網籠江漢仰齊七政俯平禍亂
化若風行澤猶雨散淪光更曜金輝復煥德冠千載蔚有餘榮

歌明帝

曹毗

明明肅祖闡弘帝祚英風風發清暉載路茲逆縱忒罔式皇度
躬振朱旗遂豁天步宏猷允塞高羅雲布品物咸寧洪基永固

歌成帝

曹毗

於休顯宗道澤玄播式宣德音暢物以和邁德蹈仁匪禮不過
敷以純風濯以清波連理映阜鳴鳳棲柯同規放勛義蓋山河

歌康帝

曹毗

康皇穆穆仰嗣洪德爲而不宰雅音四塞閑邪以誠鎮物以默

威靜區宇道宣邦國

歌哀帝

曹毗

於穆哀皇 聖心虛遠 雅好玄古 大庭是踐 道尚无爲 治存易簡
化若風行 時猶草偃 雖曰登遐 徽音弥闡 愔愔雲韶 盡美盡善
歌簡文帝 王珣

皇矣簡文 於昭于天 靈明若神 周淡如川 冲應其來 實与其迁
亶亶忘化 日用不言 易而有親 簡而可傳 觀流弥遠 求本逾玄
歌孝武帝 王珣

天監有晉 欽哉烈宗 同規文考 玄默允恭 威而不猛 約而能通
神鉦一震 九域來同 道積淮海 雅頌自東 氣陶醇露 化協時雍
四時祠祀 曹毗

肅肅清廟 巍巍聖功 萬國來賓 禮儀有容 鍾鼓振 金石熙
宣兆祚 武開基 神斯樂兮 理管絃 有來斯和 說功德
吐清歌 神斯樂兮 洋洋玄化 潤被九壤 民无不悅 道无不往
禮有儀 樂有式 詠九功 永无極 神斯樂兮

漢時有短簫鏡歌之樂其曲有朱鷺 思悲翁 艾如張

上之回 雍離 戰城南 巫山高 上陵 將進酒

君馬黃 芳樹 有所思 雉子班 聖人出 上邪

臨高臺 遠如期 石留 務成 玄雲 黃爵行

鈞竿等曲列於鼓吹多序戰陣之事及魏受命改其十二曲使繆襲為詞述以功德代漢改朱鷺為楚之平言魏也改思悲翁為戰萊陽言曹公也改艾如張為獲呂布言曹公東圍臨淮擒呂布也改上之回為克官渡言曹公與袁紹戰破之於官渡也改雍離為舊邦言曹公勝袁紹於官渡還誰收藏死亡士卒也改戰城南為定武功言曹公初破鄴武功之定始乎此也改巫山高為屠柳城言曹公越北塞歷白檀破三郡烏桓於柳城也改上陵為平南荆言曹公平荆州也改將進酒為平關中言曹公征馬超定關中也改有所思為應帝期言文帝以聖德受命應運期也改芳樹為豈熙言魏氏臨其國君臣豈穆庶績咸熙也改上邪為太和言明帝繼體承統太和改元德澤流布也其餘並同舊名是時吳亦使韋昭制十二曲名以述功德受命改朱鷺為炎精缺言漢

室襄孫堅奮迅猛志合在匡救王迹始乎此也改思悲翁為漢之季言
堅悼漢之微痛董卓之亂興立奮奮功蓋海內也改艾如張為據武師
言權卒父之業而征伐也改上之回為烏林言魏武既破荊州順流東下
欲來爭鋒權命將周瑜逆擊之於烏林而破走也改雍離為秋風言權
悅以使人人忘其死也改戰城南為克皖城言魏武志圖并兼而權親
征破之於皖也改巫山高為關北言蜀將關羽背棄吳德權引師
浮江而擒之也改上陵曲為通荊州言權與蜀文好齊盟中有關羽自
失之憾終復初好也改將進酒為章洪德言權草其大德而遠方來附
也改有所思為順歷數言權順錄圖之符而建大號也改芳樹為承
天命言其時主聖德踐位道化至盛也改上邪曲為玄化言其時主脩文
武則天而行仁澤流洽天下喜樂也其餘亦用舊名不改及武帝受禪
乃令傅玄制表為二十二篇亦述以功德代魏改朱鷺為靈巫之祥言宣帝
之佐魏猶虞舜之事堯既有石瑞之徵又能用武以誅孟達之逆命也
改思悲翁為宣受命言宣帝禦諸葛亮養威重運神兵亮震怖而

死也改艾如張為任遼東言宣帝陵大海之表討滅公孫氏而梟其首也改上之回為宣輔政言宣帝聖道深遠撥亂反正網羅文武之才以定二儀之序也改雍離為時運多難言宣帝致討吳方有征无戰也改戰城南為景龍飛言景帝克明威教賞順夷逆隆无疆崇洪基也改巫山高為平玉衡言景帝万国之殊風齊四海之垂心礼賢養士而纂洪業也改上陵為文皇統百揆言文帝始統百揆用人有序以敷太平之化也改將進酒為因時運言因時運變聖謀潜施解長蛇之交離群桀之當黑以武濟文以邁其德也改有所思為惟庸蜀言文帝既平万乘之蜀封建万国復五等之爵也改芳樹為天序言聖皇應歷受禪弘濟大化用人各盡其才也改上邪為大晉承運期言聖皇應籙受圖化象神明也改君馬黃為金靈並運言聖皇踐阼致敬宗廟而孝道行於天下也改稚子班為於穆我皇言聖皇受禪德合神明也改聖人出為仲春振旅言大晉申文武之教改獮以時也改臨高臺為夏苗田言大晉改狩順時為苗除害也改遠如期為仲秋獮田言大晉雖有文

德不廢武事順時以殺伐也改石留爲順天道言冬大閱用武脩
文大晉之德配天也改務成爲唐堯言聖皇陟帝位德化光四表也
玄雲依舊名言聖皇用人各盡其材也改黃爵行爲伯益言赤鳥
銜書有周以興今聖皇受命神雀來也釣竿依舊名言聖皇德配
堯舜又有呂望之佐濟大功致太平也其辭並列之於後云

靈之祥

靈之祥

石瑞章

旌金德

出西方

天降命

授宣皇

應期運

時龍驤

繼大舜

佐陶唐

讚文武建帝綱

孟氏叛

據南疆

追有扈

亂五常

吳寇叛

蜀虜強交趾

連遐荒

宣赫怒

奮雁鳥揚

震軋威

曜電光

陵九天

陷石城

梟逆命拯有生

万国安

四海寧

宣受命

宣受命

應天機

風雲時動

神龍飛

御葛亮

鎮雍梁邊境安

夷夏康

務節事

勤定傾

攬英雄

保持盈

深穰穰赫明明

冲而泰 天之經 養威重 運神兵 亮乃震斃 天下安寧

征遼東

征遼東

咸震怖

宣輔政

宣皇輔政

慎厥所生

肇創帝基

定二儀

時運多難

時運多難

武視江湖

天威橫被

景龍飛

敵失據

朔北響應

海表景附

聖烈深

所生賢

洪業垂

定二儀

雲澤雨施

道教痛

我皇赫斯

廓東隅

威靈邁日域

公孫既授首

武功赫赫

撥乱反正

遺教施

於鑠明明

時赫戲

海外風馳

天地變化

致天誅

有征無戰

弭其圖

群逆破膽

德雲布

網羅文武才

順天心

安上治民

化風移

功濟萬世

有盈虛

春蠶爾吳蠻

有征無戰

弭其圖

有征無戰

景龍飛

御天威

聰鑒玄察

動與神明協機從之者顯

逆之者滅夷文教敷

武功巍

弗違祥

享世永長

猛以致寬道化光

赫明明

祚隆無疆

帝績惟期

有命既集崇此洪基

平玉衡

平玉衡

糾茲回

萬國殊風

四海乖

禮賢養士

羈御英雄

思心齊

纂戎洪業

崇皇階

品物咸亨

聖敬日躋

聰鑒盡下情明明綜天機

文皇統百揆

文皇統百揆繼天理萬方武將鎮四隅英佐盈朝堂謀言協秋蘭

清風發其芳洪澤所漸潤礫石為珪璋大道侔五帝盛德踰三王

咸光大

上參天與地至化無內外無內外

六合並康乂

並康乂

邁茲嘉會在昔義與農大晉德斯邁鎮征及諸州

為藩衛

功濟四海

洪烈流萬世

因時運

因時運

聖策施

長蛇交解

群桀離

勢窮奔吳

獸騎厲

惟武進

審大計

時邁其德

清世

惟庸蜀

惟庸蜀

僭號天一隅劉備逆帝命禪亮承其餘擁眾數萬

闕隙乘我虛驛騎進羽檄天下不遑居姜維屢寇邊隴上為荒蕪

文皇敗斯民歷世受罪辜外謨藩屏臣內謨眾士夫爪牙應指受

腹心獻良圖良圖協成文大興百萬軍雷鼓震地起猛勢陵浮雲

逋虜畏天誅面縛造壘門萬里同風教逆命稱妾臣光建五等

紀綱天人

天序歷

天序歷

應受禪

承靈祐

御群龍

勒螭武

弘濟大化

英雋作輔

明明統萬機赫赫鎮四方咎繇稷契疇

協蘭芳

禮王臣

覆兆民

化之如天與地 誰敢愛其身

大晉承運期

大晉承運期 德隆聖皇 時清晏

白日垂光 應錄圖

陟帝位

繼天正玉衡 化行象神明 至哉道隆虞唐元首敷洪化

百僚股肱慈良時太康 隆隆赫赫 福祚盈無疆

金靈運

金靈運 天符發 聖徵見 參日月 惟我皇 體神聖 受魏禪

應天命 皇之興 靈有徵 登大麓 御萬衆 皇之輔 若闕武

爪牙奮 莫之禦 皇之佐 讚清化 百事理 萬邦賀 神祇應

嘉瑞章 恭享禮 薦先皇 樂時奏 磬管鏘 鼓劬劬 鍾鐺鐺

奠樽俎 寶玉觴 神歆饗 咸悅康 宴孫子 祐無疆 大孝蒸蒸

德教被萬方

於穆我皇

於穆我皇 盛德聖且明 受禪君世 光濟群生 普天率土

莫不來庭 顓顓六合 望風仰泰清 萬國雍雍 興頌聲

大化洽 地平而天成 七政齊 玉衡惟平 峨峨佐命

濟濟群英 夙夜軋軋 萬機是經 雖治興 匪荒寧

謙道光 冲不盈 天地合德 日月同榮 赫赫煌煌

曜幽冥 三光克從 於顯天 垂景星 龍鳳臻

甘露宵零 肅神祇 祇上靈 萬物欣戴 自天效其成

仲春振旅

大致人 武教於時 日新師執提 工執鼓

坐作從 節有序 盛矣允文允武 蒐田表馮 申法誓

遂圍禁 獻社祭 允以時 明國制 文武並用

禮之經 列車如戰 大教明 古今誰能去兵 大晉繼天

濟群生

夏苗田

夏苗田 運將徂 軍國異容 文武殊 乃命群吏

撰車徒

辯其號名 讚契書

王軍啓八門行同上帝居

時路建大麾雲旗翳紫虛百官象其事疾則疾

徐則徐

四衡旋軫

罷陣弊車獻禽享祀

蒸蒸配有虞惟大晉

德參兩儀

化雲敷

仲秋彌田

仲秋彌田

金德常綱

涼風清且厲

凝露結爲霜白藏司辰

倉隼時鷹揚

鷹揚猶尚

順天以殺伐

春秋時序

雷霆震威曜

進退由鉦鼓

致禽祀祊羽毛之用充軍府

赫赫大晉德芬烈陵三五

敷化以文

雖安不廢武光宅四海

永享天之祐

順天道

順天道

握神契

三時示講武事

冬大閱

鳴鑼振鼓鐸

旌旗象虹霓

文制其中

武不窮武

動軍並言衆禮成而義卒

三驅以崇仁進止不失其序

兵卒練

氣陵青雲

解圍三面

殺不殄群

偃旌麾

班六軍

獻享蒸

脩典文

嘉大晉

德配天

祿報功

爵俟賢

饗燕樂

受茲百祿

壽萬年

唐堯

唐堯諮務成

謙謙德所興

積漸終光大

履霜致堅冰神明道自然

河海猶可凝

舜禹統百揆

元凱以次升

禪讓應大歷睿聖世相承

我皇陟帝位

平衡正準繩

德化飛四表

祥氣見其徵興王坐俟旦

亡主恬自矜

致遠由近始

覆瓿成山陵

披圖按先籍有其證靈液

玄雲

玄雲起丘山

祥氣萬里會

龍飛何蜿蜒

鳳翔何颼颼昔在唐虞朝

時見青雲際

今親遊萬國

流光溢天外

鶴鳴在後園清音隨風邁

成湯隆顯命

伊摯來如飛

先天天不違

輟耕綜地綱解褐衿天維

元功配二王

芬馨世所稀

我皇叙群才

洪烈何巍巍桓桓征四表

濟濟理万機

神化感無方

髦才盈帝畿

丕顯惟昧旦日新孔所諮

茂哉明聖德

日月同光輝

伯益

伯益佐舜禹職掌山與川德侔十六相思心入無間智理周萬物
下知衆鳥言黃雀應清化翔習何翩翩和鳴棲庭樹徘徊雲日間
夏桀爲無道密網施山河酷祝振纖網當奈黃雀何那湯崇天德
去其三面羅逍遙群飛來鳴聲乃復和朱雀作南宿鳳皇統羽群
赤鳥銜書至天命瑞周文神雀今來遊爲我受命君嘉祥致天和
膏澤隆青雲蘭風發芳氣蓋世同其芬

釣竿

釣竿何冉冉甘餌芳且鮮臨川運思心微綸沉九泉太公寶此術
乃在靈樞篇機變隨物移精妙貫未然游魚驚著釣潛龍飛戾天
戾天安所至撫翼翔太清太清一何異兩儀出渾成王衡正三辰
造化賦群形退願輔聖君與神合其靈我君弘遠略天人不足并
天初并時昧昧何茫茫日月有徵兆文象興三皇蚩尤乱生靈
黃帝用兵征萬方逮夏禹而德衰三世不及虞與唐我皇盛德配堯舜